



# ՀԱՅԱՍՏԱՆԻ ԱԶԳԱՅԻՆ ՊՈԼԻՏԵԽՆԻԿԱԿԱՆ ՀԱՄԱԼՍԱՐԱՆ ՀԻՄՆԱԴՐԱՄ

ք.Երևան

«15» հունվար 2024թ.

ՈՐՈՇՈՒՄ ԹԻՎ ՀԱՊՀ-2024/1

**Պատվիրատու՝** «Հայաստանի ազգային պոլիտեխնիկական համալսարան» հիմնադրամ  
**Մասնակից՝** Լայվ գրուպ ՍՊԸ  
**Գնման ընթացակարգի ծածկագիրը՝** ՀԱՊՀ-ԷԱԱՊՁԲ-23/31  
**Առարկան՝** Նյութեր, սարքեր և հարակից պարագաներ

## **Գործի նախապայմանություն**

«Հայաստանի ազգային պոլիտեխնիկական համալսարան» հիմնադրամի կարիքների համար համակարգչային տեխնիկայի և պարագաների գնման նպատակով 2023 թվականի դեկտեմբերի 11-ին հայտարարվել է «ՀԱՊՀ-ԷԱԱՊՁԲ-23/31» ծածկագրով էլեկտրոնային աճուրդ:

➤ Ընթացակարգին հայտ է ներկայացրել «Լայվ գրուպ» ՍՊԸ-ն (այսուհետև՝ Մասնակից): Մասնակցի հայտում 4-րդ չափաբաժնի համար առաջարկվող ապրանքի կտրիչների քանակը նշված է 5 կտոր, այն ինչ հրավերով սահմանված է եղել 180-211 կտոր, ինչպես նաև ներկայացված լիազորագիրը ստորագրված է լիազորվող անձի կողմից (Մասնակցի հայտը կցվում է):

«Լայվ գրուպ» ՍՊԸ-ն 4-րդ և 5-րդ չափաբաժինների գծով հանդիսացել է նվազագույն գնային առաջարկ ներակայացրած Մասնակից: Մասնակցին տրամադրվել է մեկ աշխատանքային օր արձանագրված թերությունները շտկելու համար: Շտկման համար նախատեսված ժամանակի ավարտից հետո, արձանագրվել է, որ Մասնակիցը շտկում չի իրականացրել:

Մասնակցի հայտը 4-րդ և 5-րդ չափաբաժինների գծով մերժվել է և ընթացակարգը չկայացած հայտարարելու մասին հայտարարությունը հրապարակվել է [www.gnumner.am](http://www.gnumner.am) կայքում 2024 թվականի հունվարի 4-ին:

## **Եզրակացություն և եզրահանգում**

*Համաձայն ՀՀ Կառավարության 4 մայիսի 2017 թվականի N 526-Ն որոշման 41-րդ կետի*

«Եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ ....., ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը: Մասնակցին ուղարկվող ծանուցման մեջ մանրամասն նկարագրվում են հայտնաբերված անհամապատասխանությունները»:

Սույն ընթացակարգի շրջանակներում Մասնակցի կողմից ներկայացված հայտում առկա են ներքոնշյալ անհամապատասխանությունները.

- 4-րդ չափաբաժնի համար առաջարկվող ապրանքի կտրիչների քանակը նշված է 5 կտոր՝ հրավերով սահմանված 180-211 կտորի փոխարեն
- ներկայացված լիազորագիրը ստորագրված է լիազորվող անձի կողմից:

Համաձայն ՀՀ Կառավարության 4 մայիսի 2017 թվականի N 526-Ն որոշման 42-րդ կետի՝

Եթե սույն կարգի 41-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա նրա հայտը գնահատվում է բավարար: **Հակառակ դեպքում տվյալ մասնակցի հայտը գնահատվում է անբավարար և մերժվում է...**

2023 թվականի դեկտեմբերի 28-ին Մասնակցին տրամադրվել է մեկ աշխատանքային օր շտկում իրականացնելու համար, որի ընթացքում շտկում չի իրականացվել (արձանագրության հրապարակման արտատպումը կցվում է):

Համաձայն «Գնումների մասին» ՀՀ օրենքի 6-րդ հոդվածի 1-ին կետի 6-րդ ենթակետի «ա» պարբերության՝ «... գնումների ընթացակարգերին մասնակցելու իրավունք չունեն այն անձինք՝

6) որոնք հայտը ներկայացնելու օրվա դրությամբ ներառված են գնումների գործընթացին մասնակցելու իրավունք չունեցող մասնակիցների ցուցակում: Մասնակիցն ընդգրկվում է նշված ցուցակում, եթե՝

ա. խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը ...»:

Հիմք ընդունելով վերոգրյալը և ղեկավարվելով «Գնումների մասին» ՀՀ օրենքի 6-րդ հոդվածի 1-ին կետի 6) ենթակետի «ա» պարբերությամբ՝

#### ՈՐՈՇՈՒՄ ԵՄ

Լիազորված մարմնին ներկայացնել «Լայվ գրուպ» ՍՊ ընկերությունը՝ գնումների գործընթացին մասնակցելու իրավունք չունեցող մասնակիցների ցուցակում 2 (երկու) տարի ժամկետով ընդգրկելու համար:

ՌԵԿՏՈՐ



Գ.Պ. ՎԱՐԴԱՆՅԱՆ